



Faculty of Cognitive Science and Human Development

KEMAMPUAN MINDA MANUSIA DARI PERSPEKTIF
ISLAM

Indra Putra Wan Ismail

UNIVERSITI MALAYSIA SARAWAK
2003

BF
171
I38
2003

UNIVERSITI MALAYSIA SARAWAK

BORANG PENGESAHAN STATUS TESIS

JUDUL : Kemampuan Minda Manusia Dari Perspektif Islam

SESI PENGAJIAN : 2002 / 03

Saya

INDRA PUTRA WAN ISMAIL
(HURUF BESAR)

mengaku membenarkan tesis * ini disimpan di Pusat Khidmat Maklumat Akademik, Universiti Malaysia Sarawak dengan syarat-syarat kegunaan seperti berikut :

1. Tesis adalah hak milik Universiti Malaysia Sarawak
2. Pusat Khidmat Maklumat Akademik, Universiti Malaysia Sarawak dibenarkan membuat salinan untuk tujuan pengajian sahaja
3. Pusat Khidmat Maklumat Akademik, Universiti Malaysia Sarawak dibenarkan membuat pendigitan untuk membangunkan Pengkalan Data Kandungan Tempatan
4. Pusat Khidmat Maklumat Akademik, Universiti Malaysia Sarawak dibenarkan membuat salinan tesis ini sebagai bahan pertukaran antara institusi pengajian tinggi
5. ** sila tandakan (✓)

SULIT

(mengandungi maklumat yang berdarjah keselamatan atau Kepentingan seperti termaktub di dalam AKTA RAHSIA RASMI 1972)

TERHAD


(mengandungi maklumat Terhad yang telah ditentukan oleh organisasi/ badan di mana penyelidikan dijalankan)

TIDAK TERHAD



(TANDATANGAN PENULIS)

Disahkan oleh



(TANDATANGAN PENYELIA)

Alamat Tetap:

Lot 633, Jln Burung Serindit,
Kpg Bahagia Jaya, Teku,
96000 Sibu, Sarawak

Tarikh: 31.3.2003

Tarikh: 31/03/2003

Catatan: *Tesis dimaksudkan sebagai tesis bagi Ijazah Doktor Falsafah, Sarjana dan Sarjana Muda

*Jika tesis ini SULIT atau TERHAD, sila lampirkan surat daripada pihak berkuasa/organisasi berkenaan dengan menyatakan sekali sebab dan tempoh tesis ini perlu dikelaskan sebagai SULIT atau TERHAD

P.KHIDMAT MAKLUMAT AKADEMIK
UNIMAS



1000129699

KEMAMPUAN MINDA MANUSIA DARI PERSPEKTIF ISLAM


Oleh

Indra Putra Wan Ismail

Projek ini merupakan salah satu keperluan untuk
Ijazah Sarjana Muda Sains dengan Kepujian (Sains Kognitif / Pembangunan
Sumber Manusia / Kaunseling Organisasi) dengan Kepujian
Fakulti Sains Kognitif dan Pembangunan Manusia,
Universiti Malaysia Sarawak

Projek bertajuk Kemampuan Minda Manusia Dari Perspektif Islam telah disediakan oleh Indra Putra Wan Ismail dan telah diserahkan kepada Fakulti Sains Kognitif dan Pembangunan Manusia sebagai memenuhi syarat untuk Ijazah Sarjana Muda dengan Kepujian (Sains Kognitif / Pembangunan Sumber Manusia / Kaunseling Organisasi).

Diterima untuk diperiksa oleh :



En. Zaimuariffudin Shukri b. Nordin

Tarikh :

31/03/2003

PENGHARGAAN

Saya terlebih dahulu bersyukur ke hadrat Allah S.W.T kerana dengan limpah izin dan perkenanNYA, maka projek tahun akhir ini dapat disiapkan dengan jayanya.

Saya ingin merakamkan setinggi-tinggi penghargaan dan ucapan terima kasih kepada penyelia projek, Encik Zaimuariffudin Shukri b. Nordin atas bimbingan, idea, tunjuk ajar dan bantuan yang diberikan kepada saya dalam menyiapkan projek tahun akhir ini. Segala pandangan dan kritikan yang dibuat telah banyak membantu saya menghasilkan projek tahun akhir sebaik mungkin. Juga kepada kedua ibubapa yang sentiasa memberi sokongan dan dorongan disamping doa untuk kejayaan saya di dalam akademik.

Tidak lupa juga penghargaan buat sahabat-sahabat perjuangan yang turut membantu memberikan idea dan buah fikiran. Penghargaan juga kepada semua pihak samada terlibat secara langsung atau tidak langsung seperti kakitangan dan pensyarah Fakulti Sains Kognitif dan Pembangunan Manusia serta kakitangan Pusat Khidmat Maklumat Akademik, Universiti Malaysia Sarawak.

Semoga Allah memberkati segala usaha pihak yang terlibat dalam memperkembangkan ilmu pengetahuan untuk manfaat seluruh umat manusia. Sesungguhnya hanya Allah sahaja terdapat taufik dan hidayah. Segala kekurangan dan kelemahan itu datang dari diri saya dan segala kelebihan dan kebaikan itu datang daripada Allah.

JADUAL KANDUNGAN

Penghargaan	iii
Jadual Kandungan	iv
Abstrak	v
<i>Abstract</i>	vi
1. Pengenalan	
1.0 Pengenalan	1
1.1 Objektif umum kajian	4
1.2 Objektif khusus kajian	4
1.3 Pernyataan masalah	4
1.4 Skop kajian	5
1.5 Metodologi kajian	5
2. Sorotan Kajian	
2.0 Pengenalan	7
2.1 Konsep umum minda	7
2.2 Kedudukan minda dalam Islam	11
2.3 Kemampuan minda menurut Islam	12
2.4 Melanggar atau Mencari Adat	14
2.5 Alam Ghaib atau Metafizik	15
2.6 Alam Kematian atau Alam Barzakh	17
3. Rumusan	
3.0 Pengenalan	21
3.1 Al-Quran pembimbing Minda	22
3.2 Minda dan akhlak	25
3.3 Hakikat keterbatasan / kelemahan minda	27
3.4 Kesimpulan	29
4. Rujukan	33

ABSTRAK

Di dalam projek tahun akhir yang dilakukan ini menjurus kepada bidang falsafah terutama falsafah minda yang dianggap antara bidang yang tertua di dunia. Berasal daripada bahasa Greek yang mengandungi dua suku kata, *philo* ertinya *cinta* dan *sophia* ertinya *hikmah*. Falsafah minda adalah satu koleksi persoalan, permasalahan dan isu yang berkaitan dengan mental atau minda. Namun di dalam kajian yang dilakukan ini adalah untuk membincangkan tentang konsep kemampuan atau keterbatasan minda daripada perspektif Islam berdasarkan Al-Quran disamping hasil dapatan kajian ahli falsafah Islam mengenai minda. Sejauh mana Islam berpandukan Al-Quran dan Hadis memperjelaskan tentang konsep kemampuan minda manusia. Di dalam Islam, minda dianggap sebagai satu jalan untuk mcnunaikan tugas dan kewajipan yang telah diamanahkan dan merupakan sumber ilmu intelek (intellectual knowledge) yang menghasilkan pengetahuan melalui proses pemikiran dan pentaakulan minda (akal) dengan berpandukan Al-Quran sebagai sumber rujukan utama. Menurut al-Ghazali, minda atau akal boleh dianggap sebagai Nur atau cahaya yang tidak berada pada mata tetapi berada di jiwa atau di dalam manusia seperti di dalam Surah al-Baqarah, ayat 257.

Terjemahan : "Dikeluarkan mereka oleh Tuhan dari kegelapan (kebodohan) kepada Nur – cahaya (ilmu pengetahuan)".

(Surah al-Baqarah, ayat 257)

Islam mengakui akan kemampuan minda yang dapat memastikan manusia menuju ke arah kebenaran dan kebaikan seandainya digunakan sebaik mungkin. Tetapi Islam menjelaskan bahawa akal tidak sama sekali bersifat mutlak atau tiada batasan sehingga dapat menguasai alam seperti yang diagungkan oleh golongan aliran rasionalisme.

ABSTRACT

This final project is concentrate more in philosophy especially philosophy of mind were its was one of the oldest field of knowledge in the world. The philosophy word from two Greek words, philo means love while sophia means knowledge. Philosophy of mind is the collection of the question, problems and issue that related to mental or mind. But in this final project more to discuss the concept of limitation of mind from perspective of Islam by references to Al-Quran and the assumption from Islam philosopher. What Islam can explain about the concept of limitation of human mind? In Islam, mind is the way for human to do the responsible and task that have been given and also the source of intellectual knowledge with Al-Quran as the main source. Al-Ghazali say that the mind is a light (Nur) that not in the eyes but in heart.

Islam agreed that mind can bring human the truth if its been used rightly. But mind never explore the non-physic environment, contrast rationalism.

BAB 1

PENGENALAN

1.0 Pengenalan

Bidang falsafah boleh dianggap sebagai antara bidang yang tertua di dunia. Berasal daripada bahasa Greek yang mengandungi dua suku kata, iaitu *philo* ertinya *cinta* dan *sophia* ertinya *hikmah*. Maka **PHILOSOPHIA** bererti cintakan hikmah. Falsafah mengikut kamus Oxford (1995) bermaksud penggunaan penakulan dan pendapat untuk mencari kebenaran dan pengetahuan. Mahmud Muhammad al-Hudzari, pensyarah Universiti Kahirah, Mesir di dalam risalahnya **Fi al-Falsafah al-Sharqiyah** yang dipetik dari buku Pengantar Falsafah Islam menyatakan bahawa Heraclitus telah memberi definasi yang tepat tentang falsafah iaitu ilmu yang membahaskan hakikat sesuatu. Abu Ali al-Hussain Ibn Sina menyatakan bahawa falsafah bertujuan untuk mencari hakikat sesuatu dengan segala kemampuan yang ada pada akal manusia untuk mencapainya. Menurut Aristotle, falsafah bererti ilmu dan terbahagi kepada dua iaitu :-

1. ilmu yang berhubung dengan yang wujudnya tidak bergantung kepada kuatkuasa dan usaha manusia
2. ilmu yang berhubung dengan yang wujudnya bergantung kepada kuatkuasa dan usaha manusia

Plato menggunakan perkataan *philosophia* dengan erti ilmu dan menurutnya falsafah ialah hikmat dan hikmat ialah ilmu yang hakiki. Menurut salah seorang ahli falsafah terkemuka Islam, Al-Farabi :-

"falsafah ialah cintakan hikmat. Seorang filosof atau yang cintakan hikmat iaitu ialah seorang yang menjadikan daya usaha dan cita-cita dari hidupnya itu untuk mendapatkan hikmat mengikut kadar daya kemampuan manusia".

(dipetik dari Pengantar Falsafah Islam)

Maka falsafah boleh dikaitkan dengan satu bidang yang menuntut atau mencari ilmu untuk membuktikan kebenaran dan menjamin kehidupan yang sejahtera. Islam menganjurkan umatnya untuk terus berusaha mencari ilmu dan tidak memencilkan diri seperti katak di bawah tempurung. Dari Surah Al-Zumar, ayat 17 – 18 yang bermaksud seperti berikut :-

"Maka sampaikanlah khabar gembira kepada hamba-hambaKu; yang mendengar kata-kata (atau pendapat-pendapat, lalu mengikuti (pendapat) yang lebih baik. Maka itulah orang-orang yang diberikan hidayah oleh Allah."

(Surah Al-Zumar, ayat 17 – 18)

Ayat di atas menganjurkan umat Islam agar berusaha mencari ilmu kerana mereka yang memperolehi ilmu itu adalah golongan yang beruntung. Bahkan Rasulallah S.A.W. pernah bersabda maksudnya, *"Memuntut ilmu itu wajib ke atas setiap muslim"*. Ini menunjukkan bahawa Islam tidak menghalang umatnya untuk mempelajari ilmu sama ada ilmu tauhid, ilmu akhirat mahupun ilmu dunia seperti matematik dan falsafah yang dapat memberi kebahagiaan di dunia dan juga akhirat. Tetapi Islam tetap meningatkan umatnya tentang bahaya yang timbul scandainya tidak menggunakan kebijaksanaan untuk menilai, memahami, menganalisis dan membuat pertimbangan tentang pendapat atau ideologi seperti yang telah ditekankan ayat-ayat di dalam Al-Quran seperti berikut :-

Terjemahan : *"Adanya golongan manusia yang sanggup membeli (atau membawa) pendapat-pendapat atau kata-kata yang sia-sia demi untuk menyesaikan manusia dari jalan Allah."*

(Surah Luqman, ayat 6.)

Bahkan banyak ayat di dalam Al-Quran yang menerangkan tentang ilmu-ilmu yang dapat dikaji untuk kesenangan kehidupan manusia. Di dalam ayat 30 surah al-Anbiya' menerangkan tentang kejadian penciptaan alam semesta.

Terjemahan : *"Dan apakah orang-orang yang tidak beriman tidak mengetahui bahawasannya langit dan bumi itu keduanya dahulu adalah suatu yang padu kemudian Kami pisahkan keduanya. Dan daripada air Kami jadikan segala sesuatu yang hidup. Maka mengapakah tidak juga beriman?"*

(Surah al-Anbiya': ayat 30)

Manakala ayat 3 hingga 4 Surah Al-Qiyamah menerangkan tentang kekuasaan Allah membuat semula hujung-hujung jari dan kulit seperti sediakala dan ayat ini dapat dihubungkaitkan dengan bidang perubatan forensik.

Terjemahan : *"Apakah manusia mengira, bahawa Kami tidak akan mengumpulkan (kembali) tulang belulangnya? Bukan demikian, sebenarnya Kami berkuasa menyusun (kembali) hujung jari jemarinya dengan sempurna."*

(Surah al-Qiyamah 75: ayat 3 – 4)

Menurut Osman Bakar di dalam artikel bertajuk "Mewujudkan Tamadun Ilmu Berlandaskan Tauhid" yang dibentangkan dalam Seminar Penulis Kebangsaan Pengajian Tinggi pada 1989 yang telah dibukukan di dalam buku bertajuk *Islam : Cabaran dan Isu Semasa*, menyatakan seperti berikut :-

"Sifat Islam sebagai agama ilmu juga jelas kelihatan pada dasar dan sistem kepercayaannya. Keenam-enam rukun Iman dan Islam bukan setakat untuk diimani dan dipercayai dalam pengertiannya yang sempit tetapi juga untuk diketahui. Yang ditegaskan dalam Islam bukanlah iman tanpa ilmu dan jauh sekali ilmu tanpa iman. Sebaliknya yang dianjurkan ialah iman yang diperkuuhkan dengan ilmu. Oleh itu, dalam tradisi pemikiran Islam terdapat pembentangan dalil-dalil dan bukti ilmiah bagi membenarkan keenam-enam rukun Iman dengan melibatkan pelbagai disiplin ilmu seperti kosmologi, psikologi dan metafizik."

Bidang falsafah minda adalah salah satu cabang falsafah yang memfokuskan kepada konsep dan kajian tentang minda. Menurut William James Earle (1992), falsafah minda adalah satu koleksi persoalan, permasalahan dan isu yang berkaitan dengan mental atau minda. Projek tahun akhir saya ialah mengkaji konsep keterbatasan atau kemampuan minda dari sudut perspektif Islam. Apa itu minda? Sejauh mana kemampuan minda manusia? Suatu persoalan yang masih belum terjawab sepenuhnya. Pelbagai teori dan pendapat dikemukakan dalam menghuraikan maksud minda. Di dalam projek tahun akhir ini, cuba menumpukan kepada konsep kemampuan atau keterbatasan minda daripada perspektif Islam berdasarkan Al-Quran disamping hasil dapatan kajian ahli falsafah Islam mengenai minda.

Mengikut kamus Oxford (1995), minda pula bermaksud perasaan, perhatian, konsentrasi, pintar atau cara berfikir / perasaan. Maka dari segi bahasa falsafah minda bermaksud penggunaan penakulan dan pendapat untuk mencari kebenaran dan pengetahuan mengenai perasaan, perhatian, konsentrasi, pintar atau cara berfikir / perasaan. Berlainan pula dari perspektif Islam dimana Al-Ghazali cuba menghuraikan minda sebagai "fitrah yang bersifat naluri dan Nur yang asli yang membolehkan manusia mengetahui segala sesuatu". Menurut Ibn Khaldun (1332-1406) di dalam buku *Muqaddimah* sebagai berikut :-

"Kemudian ketahuilah, bahawa Allah membezakan manusia dari lain-lain haiwan dengan kesanggupan berfikir, memiliki segala kesempurnaan, kemuliaan dan ketertinggian di atas lain-lain makhluk ciptaan Allah. Sebabnya ialah kerana pengertian, iaitu kesedaran dalam diri tentang yang terjadi di luar dirinya, hanyalah ada haiwan saja, tidak terdapat pada lain-lain makhluk. Sebab haiwan menyedari apa yang ada di luar dirinya dengan perantaraan pancaindera (pendengaran, penglihatan, bau, merasa dengan lidah dan sentuhan) yang diberikan Allah

kepadanya. Sekarang manusia memahami apa yang ada di luar dirinya dengan perantaraan fikirannya yang ada di balik pancainderanya.”

1.1 Objektif umum kajian

Kajian ini secara umumnya bertujuan untuk menghuraikan pendapat atau pandangan atau penemuan mengenai konsep keterbatasan minda atau akal berdasarkan daripada perspektif Islam. Cuba menghuraikan dapatan dan penemuan dalam usaha untuk menghuraikan persoalan mengenai minda berdasarkan pendapatan yang diperolehi hasil kajian daripada ahli falsafah Islam atau berdasarkan Al-Hadis atau Al-Quran dalam menyokong dapatan yang dibuat.

1.2 Objektif khusus kajian

Terdapat beberapa objektif khusus dalam kajian ini iaitu :-

- ❖ menghuraikan segala dapatan yang diperolehi hasil kajian daripada ahli falsafah Islam atau berdasarkan Al-Hadis atau Al-Quran.
- ❖ membincangkan pendapat atau pandangan daripada ahli falsafah Islam mengenai konsep kemampuan minda.
- ❖ membincangkan konsep kemampuan minda berdasarkan daripada Al-Quran atau Al-Hadis.

Kajian ini ingin menghuraikan segala pendapatan yang diperolehi hasil kajian daripada ahli falsafah Islam atau berdasarkan Al-Hadis atau Al-Quran dalam menyokong dapatan yang dibuat mengenai konsep minda. Berdasarkan 3 objektif di atas, hasil kajian ini diharap dapat memberi gambaran yang lebih jelas tentang Islam dalam bidang falsafah disamping kajian ini membuka lembaran baru dalam memantapkan lagi bidang sains kognitif terutama cabang falsafah minda dalam usaha untuk membongkar rahsia minda manusia yang unik daripada pelbagai sudut dan tidak hanya daripada falsafah barat atau sains. Di dalam Surah Ali Imran, ayat 159, telah menekankan bahawa keazaman dan usaha yang kuat dan padu serta berterusan akan menjamin apa yang dilakukan mencapai sasaran yang ditetapkan.

“Apabila engkau telah berazam, maka bertakwalah kepada Allah”

(Surah Ali Imran, ayat 159)

1.3 Pernyataan masalah

Masih ramai yang menganggap Islam hanya mementingkan soal akhirat dan tidak menekankan soal dunia termasuk juga dikalangan umat Islam sendiri.

Anggapan sebegitu adalah tidak benar dan tidak tepat. Islam menekankan konsep kesederhanaan atau wassotiah yang mementingkan soal dunia dan akhirat. Begitu juga dalam persoalan konsep kemampuan minda. Masalah yang cuba dikaji ialah sejauh mana Islam berpandukan Al-Quran dan Hadis memperjelaskan tentang konsep kemampuan minda. Bagaimana kemampuan minda yang ditekankan di dalam Islam. Kemampuan yang dimaksudkan ialah keterbatasan atau limitasi kemampuan minda manusia. Adakah ianya menyokong pandangan ahli falsafah barat seperti rasionalisme atau naturalisme tentang konsep minda. Kajian ini cuba menjawab beberapa permasalahan di atas dari sudut perspektif Islam.

1.4 Skop kajian

Kajian yang dilakukan ini lebih memfokuskan kepada pendapat atau pandangan ahli falsafah Islam seperti Al-Ghazali, Al-Farabi dan banyak lagi berlandaskan Al-Quran dan Al-Hadis mengenai konsep kemampuan atau keterbatasan minda manusia. Kajian ini hanya membincangkan tentang isu-isu kemampuan minda hanya dari perspektif Islam sahaja dan tidak menekankan pandangan dari agama lain. Bagaimanapun kajian ini tidak memberi penekanan kepada pendapat atau pandangan ahli falsafah barat seperti golongan rationalisme atau naturalisme mengenai minda manusia. Juga kajian ini tidak membincangkan dengan terperinci tentang struktur otak manusia. Kajian yang dilakukan adalah tentang kemampuan minda manusia sahaja dan bukan minda haiwan atau makhluk yang lain.

1.5 Metodologi kajian

Kajian ini adalah fokus kepada konsep batasan atau kemampuan minda manusia dari sudut perspektif Islam. Pendekatan yang digunakan untuk mengumpul dan menganalisis data di dalam kajian yang dilakukan ini ialah pendekatan kualitatif. Kaedah yang digunakan ialah penyelidikan historikal dan analisis dokumen bertulis dimana kebanyakan maklumat diperolehi daripada bahan-bahan bacaan dan dokumen bertulis.

Penyelidikan historikal boleh didefinisikan sebagai pengumpulan data secara sistematis dan penilaian data masa lepas di dalam usaha untuk menentukan hipotisis yang melibatkan sebab, kesan dan bentuk (trend) yang dapat membantu untuk menerangkan kejadian lepas dan masa hadapan. Terdapat 5 peringkat proses di dalam penyelidikan historikal yang digunakan di dalam kajian ini iaitu :-

- Mendefinisikan masalah
- Menetapkan jangkaan/ hipotesis
- Pengumpulan maklumat
- Analisis maklumat
- Kesimpulan

Bagaimanapun peringkat seperti menetapkan jangkaan/ hipotesis tidak ditekankan di dalam kajian ini kerana fokus kajian ini kepada menenengahkan prinsip Islam di dalam perbincangan tentang kemampuan atau batasan minda manusia. Kajian ini adalah dari sudut perspektif agama Islam dan bukan dari perspektif penyelidik.

Di dalam konteks kajian ini, sumber primer adalah kitab Al-Quran atau karya asal tokoh-tokoh seperti Al-Ghazali, Al-Farabi dan banyak lagi. Bagi sumber sekunder adalah jurnal, buku terjemahan dan maklumat internet. Kebanyakan sumber-sumber maklumat yang digunakan di dalam kajian yang dilakukan ini adalah sumber maklumat sekunder (secondary) seperti huraihan atau terjemahan dari buku asal karya Al-Ghazali dan juga Tafsiran Al-Quran. Sebab kenapa penggunaan sumber sekunder ini ialah seperti berikut :-

- Sumber primer adalah sukar untuk didapati
- Memerlukan masa yang lama untuk mendapatkan sumber primer
- Kos yang mungkin tinggi untuk mendapatkan sumber primer berbanding sumber sekunder yang mudah diperolehi di CAIS dan Pustaka Negeri

Kebanyakan bahan-bahan bacaan untuk kajian ini diperolehi diperolehi dari Pusat Khidmat Maklumat Akademik (CAIS) Universiti Malaysia Sarawak, Pustaka Negeri Sarawak.

BAB 2

SOROTAN KAJIAN

2.0 Pengenalan

Pelbagai kajian dan penyelidikan ilmiah telah dilakukan sehingga hari ini untuk mengetahui rahsia atau kekuatan sebenar minda atau akal sehingga ada golongan juga yang cuba membuktikan tentang ketidakwujudan minda dan fungsinya terhadap manusia. Ada juga golongan seperti humanisme atau rationalisme yang terlampau mengagungkan kemampuan minda yang mutlak sehingga boleh menjelaskan pegangan akidah manusia. Walaubagaimanapun Islam melarang manusia memaksa akal mereka supaya menguasai sepenuhnya ke atas sesuatu sehingga mengorbankan atau merosakkan akidah mereka. Sebaliknya dengan batasan yang dimiliki minda dan berpandukan Al-Quran, dapat memberi gambaran kepada manusia agar menggunakan minda yang dianugerahkan untuk membuat pemerhatian atau kajian. Namun satu sifat manusia iaitu naluri ingin mengetahui kejadian diri, tetapi tetap tidak dapat menghuraikan kesempurnaan kejadian manusia dengan terperinci kecuali Allah Maha Pencipta seperti yang dinyatakan di dalam ayat Surah Al-Najm di bawah yang bermaksud berikut :-

"Dia (Allah) lebih mengetahui akan keadaan kamu semenjak Dia menjadikan kamu (berasal) daripada tanah, dan semasa kamu berupa anak yang sedang melalui berbagai-bagai peringkat dalam perut ibu kamu; maka janganlah kamu memuji-muji diri kamu (bahawa kamu suci bersih daripada dosa). Dialah sahaja yang lebih mengetahui akan orang yang bertaqwa."

(Surah Al-Najm, ayat 32)

2.1 Konsep umum minda

Definisi minda sehingga sekarang masih lagi di dalam perdebatan. Pelbagai pihak cuba memberi definisi tersendiri tentang konsep minda seperti golongan dualisme, materialisme dan rationalisme yang saling bertentangan antara satu dengan yang lain. Minda daripada perspektif Islam pula berbeza dengan pandangan falsafah barat. Menurut golongan materialisme yang dipetik daripada buku karangan Robert Paul Wolff (1992), minda adalah suatu koleksi anggota badan yang kecil atau struktur badan (seperti sel neuron di dalam otak). Minda adalah salah satu daripada bentuk fizikal. Kesakitan, kepercayaan dan perasaan adalah sebahagian daripada fizikal. Bertentangan pula dengan materialisme, dualisme membezakan di antara minda dan badan sebagai dua entiti yang berbeza

iaitu minda adalah suatu yang "ghaib" manakala badan adalah berbentuk fizikal. Menurut Frederik W. Bailes, sesuatu yang terjadi kepada jasad bukan berasal dari roh tetapi fikiran dan rasa. Beliau mengistilahkan pemikiran dengan fikir objektif dan fikir subjektif seperti yang dijelaskan oleh beliau seperti :-

"Fikir objektif manusia ialah fikir yang melakukan penuturan, pilihan dan memberi arah. Ia tidak mencipta, tetapi memberi arah kepada aktiviti mencipta yang dilakukan oleh fikir subjektif. Fikiran subjektif merupakan kedalamannya yang jauh, tersembunyi dan tak sedar; semua pemikiran dan laku perbuatan itu tidaklah hilang, sekalipun ia secara sedar tak dapat mengingatinya, tetapi muncul dalam mimpi yang kompleks-kompleks. Fikir subjektif merawat kerja yang beragama dari jasmani."

(dipetik daripada *Manusia dan Islam* Jilid 3)

Minda bukan otak kerana otak adalah sesuatu yang mempunyai bentuk fizikal tetapi minda pula adalah sesuatu yang abstrak. Mengikut kamus Oxford (1995), minda dari segi bahasa pula bermaksud perasaan, perhatian, konsentrasi, pintar atau cara berfikir / perasaan.

Di dalam Islam, minda dianggap sebagai satu jalan untuk menunaikan tugas dan kewajipan yang telah diamanahkan. Kelebihan dan keistimewaan manusia adalah dikurniakan akal atau minda ini yang membezakan manusia dengan mahkluk yang lain. Akal atau minda adalah sumber ilmu intelek (intellectual knowledge) yang menghasilkan pengetahuan melalui proses pemikiran dan pentaakuluan minda (akal) dengan berpandukan Al-Quran sebagai sumber rujukan utama seperti yang diterangkan oleh Mohd Sulaiman (1982).

Bahkan berfikir adalah salah satu usaha yang tersusun dari beberapa bahagian kecil dalam pemikiran, maka bahagian pertama ialah berfikir. Seperti yang tercatat di dalam buku *Antara falsafah Islam dan falsafah moden barat : suatu perbandingan antara Al-Ghazali dan Descrate*, Al-Ghazali berpendapat bahawa :-

"syak dan keraguan adalah satu titik permulaan untuk mencapai hakikat kepercayaan atau akidah yang sebenar, dan bukan akidah yang diwarisi secara ikutan atau tradisi kerana keraguan akan menyampaikan kebenarannya, maka sesiapa yang tidak maragui tidak akan berfikir, dan sesiapa yang tidak berfikir tidak akan melihat dan sesiapa yang tidak melihat adalah buta dan sesat."

Pendapat Al-Ghazali ini jelas menunjukkan tentang kepentingan berfikir atau minda. Maka peringkat yang paling awal ialah membentangkan pendapat-pendapat kepada minda untuk dikaji dan diselidiki sebelum mengambil suatu

keputusan terakhir. Di dalam buku yang sama, *Antara falsafah Islam dan falsafah moden barat : suatu perbandingan antara Al-Ghazali dan Descartes*, Al-Ghazali telah menyatakan bahawa :-

"Kerana keraguan itulah yang akan sampai kepada kebenaran. Sesiapa yang tidak ragu maka dia tidak berfikir. Dan sesiapa yang tidak berfikir juga tidak melihat. Seterusnya sesiapa yang tidak melihat, kekallah dia dalam keadaan buta dan sesat".

Konsep yang hampir sama dengan konsep penyelesaian masalah (problem solving). Melaluinya manusia boleh membuat penakulan (rationalize), membentuk konsep (conceptualize), dapat memahami (comprehend) dan sebagainya.

Menurut Mohd Sulaiman (1982), akal (Janib Al-Qabul) iaitu daya atau kuasa penerima adalah salah satu sudut agama selain wahyu (Janib Al-Sudur). Janib Al-Sudur yang dijelaskan ialah wahyu, iaitu agama yang sebenar ialah agama yang datang dari Allah melalui wahyu yang disampaikan kepada para Rasul sebagai penghubung antara Allah dan manusia. Janib Al-Qabul iaitu akal dimana dituntut oleh agama agar manusia menggunakan akal untuk membandingkan kebenaran dan kesesatan. Islam menuntut agar manusia menggunakan akal untuk menyelidiki prinsip pegangan supaya dapat membezakan antara agama yang benar dan yang sesat. Akal menurut Syed Muhamad Dawilah Al-Edrus (1993), digunakan dengan maksud ukuran kemampuan fikiran manusia dari segi intelek dan kerohanian yang membolehkan manusia memahami tanda yang ditunjukkan kepada manusia oleh Allah. Hadis yang berikut yang dipetik daripada buku *Manusia dan Islam Jilid 3* telah menerangkan bahawa untuk mendekatkan lagi diri kita dengan Tuhan, maka kita perlu mengenali Tuhan dengan akal.

*"Wahai manusia! Pakailah akal untuk mengenal Tuhanmu....
Ketahuilah bahawa akal itu menolong kamu untuk mengenal Tuhanmu....!"*

(riwayat sebahagian Ahli Sunan)

Berdasarkan sabda Rasulallah S.A.W., akal atau minda boleh dikatakan sebagai sumber, tempat terbit dan asas kepada ilmu atau lebih mudah akal sebagai tempat pengetahuan. Sabda baginda, ertiinya :-

"Yang pertama-tama dijadikan oleh Allah ialah akal"
(hadith Dawud ibn al-Mejar daripada Abu Hurairah)

Menurut al-Ghazali, minda atau akal boleh dianggap sebagai Nur atau cahaya yang tidak berada pada mata tetapi berada di jiwa atau di dalam manusia. Di dalam Al-Quran, al-Nur boleh dimaksudkan dengan akal fikiran iaitu ilmu pengetahuan seperti di dalam ayat Surah al-Baqarah :

"Dikeluarkan mereka oleh Tuhan dari kegelapan (kebodohan) kepada Nur – cahaya (ilmu pengetahuan)"

(Surah al-Baqarah, 2: 257)

Secara umumnya dapat disimpulkan bahawa minda atau akal fikiran adalah satu anugerah yang Allah kurniakan kepada manusia untuk digunakan sebagai "alat" untuk mendekatkan diri dengan Allah dan memahami keindahan dan keunikian segala ciptaanNya. Minda jugalah yang telah membezakan manusia dengan segala ciptaan Allah yang lain bahkan membezakan mertabat sesama manusia dimana minda akan memandukan manusia ke arah yang betul atau sebaliknya. Namun harus diingat bahawa minda bukan sesuatu yang sangat sempurna sehingga mampu melakukan sesuatu tanpa bantuan mana-mana sumber. Ini ditunjukkan di dalam ayat Surah Al-Baqarah yang bermaksud seperti berikut:-

"Sesungguhnya Aku mengetahui apa yang kamu tidak mengetahui."

(Surah Al-Baqarah, 2:30)

Islam melarang sama sekali umatnya untuk 'mempertuhankan minda' berbanding Allah. Ketaksuban terhadap keupayaan minda yang melampaui batas merupakan salah satu jalan yang membawa manusia ke arah kemusnahan dan boleh merosakkan akidah manusia. Ianya umpama mempertuhankan berhala seperti yang diterangkan di dalam Surah Al-A'raf, ayat 71 yang bermaksud berikut :-

"Ja berkata : Sungguh sudah pasti kamu akan ditimpai azab kamu sekalian hendak berdebat dan berbantah dengan Aku tentang nama-nama (berhala) yang kamu namakan juga nenek moyang kamu? Padahal Allah sekali-kali tidak menurunkan hujah (keterangan) untuk itu? Maka tunggulah (azab) itu sesungguhnya aku juga bersama-sama menuggu dengan kamu."

(Surah Al-A'raf, ayat 71)

Di dalam Surah Al-Tawbah, ayat 109 menegaskan bahawa tindakan menganggap minda adalah sesuatu yang mutlak dalam menentukan kehidupan manusia umpama binaan yang didirikan di lereng gunung dan gaung yang curam dimana setiap detik menantikan masa keruntuhannya. Seperti yang dijelaskan oleh Mohd Sulaiman (1982) di dalam buku *Pengantar Falsafah Islam*, bahawa asas binaan kehidupan yang diambil dan dicipta selain daripada asas mempertuhankan '*Ulumiyyatu'l-lah* dan *Rububiyyatu'l-hal*' iaitu asas mempertuhankan akal adalah asas yang sangat lemah.

"Apakah orang yang membina binaannya di atas dasar taqwa dari Allah dan keredhaanNya, lebih baik ataukah orang-orang yang membina binaannya itu di gunung yang curam dan runtuh, lalu runtuhlah binaan itu bersama-sama dengannya ke dalam api neraka jahanam dan Allah tidak memberi hidayah orang zalim"

(Surah Al-Taubah, ayat 109)

2.2 Kedudukan minda dalam Islam

Minda di dalam Islam terletak di tempat yang tinggi darjatnya. Di dalam Al-Quran telah menegaskan betapa tingginya darjat minda atau akal seperti yang telah dinyatakan di dalam Surah Al-Anfal, ayat 22 dan juga ayat 10, Surah Al-Mulk yang bermaksud seperti berikut :-

"Sesungguhnya sejahat-jahat makhluk di sisi Allah ialah mereka yang tuli dan kelu yang tidak berakal."

(Surah Al-Anfal, ayat 22.)

"Kalau kami mendengar atau menggunakan akal tidaklah kami bersama-sama dengan penghuni-penghuni neraka yang bernyala-nyala."

(Surah Al-Mulk, ayat 10.)

Minda di dalam Islam terletak di tempat yang tinggi darjatnya. Al-Ghazali cuba menghuraikan minda sebagai "fitrah yang bersifat naluri dan Nur yang asli yang membolehkan manusia mengetahui segala sesuatu". Di dalam Al-Quran telah menegaskan betapa tingginya darjat minda atau akal dan Allah bencikan manusia yang tidak menggunakan minda yang dianugerahkan dengan sebaik mungkin seperti yang telah dinyatakan di dalam Surah Yunus, ayat 100 hingga 101 dan juga ayat 37, Surah Al-Qaf yang bermaksud seperti berikut :-

"Dan tidak ada seorangpun akan beriman kecuali dengan izin Allah; dan Allah menimpakan kemurkaan kepada orang-orang yang tidak mempergunakan akalnya. Katakanlah: "Perhatikanlah apa yang ada di langit dan di bumi. Tidaklah bermanfaat tanda kekuasaan Allah dan rasul-rasul yang memberi peringatan bagi orang-orang yang tidak beriman".

(Surah Yunus, ayat 100 – 101)

"Sesungguhnya tentang yang demikian itu menjadi pengajaran bagi orang yang mempunyai hati (akal yang memikirkan) atau mendengar pengajaran, sedang fikirannya berharap kepadanya."

(Surah Qaaf, ayat 37)

Dua ayat Al-Quran di atas sudah cukup menunjukkan ketinggian darjat orang yang menggunakan minda dengan tujuan yang baik atau menggunakan minda dengan sebaik yang mungkin. Ayat di atas juga menunjukkan bahawa Islam menyuruh umat manusia menggunakan minda untuk berfikir dan menyelidiki setiap isu dengan waras dan rasional berdasarkan Al-Quran serta Al-Hadis sebagai rujukan asas disamping buku-buku ilmu yang lain. Begitu tinggi darjat minda yang telah membezakan manusia dengan makhluk lain ciptaan Allah.

Dari pada Umar r.a. bahawa Umar bertanya kepada Tamim al-Dari : "Apakah yang mendominasi kamu?" Menjawab Tamim : "Akal!" Maka menyambung Umar : "Benar engkau! Aku telah bertanya kepada Rasulullah S.A.W. seperti yang aku tanyakan kepadamu tadi. Rasulullah S.A.W menjawab seperti yang kamu jawab. Bersabda Rasulullah S.A.W : "Bahawa aku telah bertanya kepada Jibril : "Apakah yang mulia?" Jibril menjawab : "Akal".

(Riwayat Ibn al-Mahbar)

2.3 Kemampuan minda menurut Islam

Berdasarkan pengertian yang diberikan mengenai minda, jelas menunjukkan bahawa Islam mengakui akan kemampuan minda yang dapat memastikan manusia menuju ke arah kebenaran dan kebaikan seandainya digunakan sebaik mungkin. Akan tetapi berlaku disebaliknya jika manusia tidak menggunakan minda. Maka sifat utama minda adalah memandu manusia ke arah kebenaran dan kebaikan. Bagaimanapun telah ditegaskan di dalam Al-Quran bahawa terdapat beberapa faktor yang dapat menghalang minda daripada menjalankan tanggungjawab seandainya tidak diambil berat seperti yang dinyatakan oleh Mohd Sulaiman (1982) :-

- ❖ Taqliq buta kepada adat tradisi yang diwarisi.
- ❖ Takutkan pihak berkuasa, sama ada kekuasaan dari golongan agama, pemerintah atau seumpamanya.
- ❖ Hawa nafsu meliputi kedudukan, pangkat, kemasyhuran atau kemewahan.

Islam menjelaskan bahawa akal tidak sama sekali bersifat mutlak atau tiada batasan sehingga dapat menguasai alam seperti yang diagungkan oleh golongan aliran rasionalisme. Menurut Islam, kemampuan akal adalah terhad atau

terbatas kerana ia berada dalam lingkungan yang terbatas. Ibnu Khaldun menyatakan bahawa :-

“.... Bahkan akal itu neraca yang benar. Hukumnya adalah yakin dan tidak mengundang dusta tetapi janganlah pula anda merasa tamak dan terpesona sehingga akal itu dijadikan neraca penimbang dalam masalah Tauhid, masalah hari akhirat, haqiqat kenabian, haqiqat sifat ketuhanan dan segala yang di luar taraf akal, kerana yang demikian itu adalah suatu yang mustahil. Samalah umpamanya dengan seorang yang punya neraca itu untuk menimbang emas, lalu merasa tamak hendak menimbang gunung. Ini tidaklah bererti bahawa timbangan neraca itu yang salah tetapi neraca itu adalah terbatas dan tidak melampaui batas daerahnya, sehingga boleh mengetahui secara menyeluruh akan Allah dan sifat-sifatnya. Akal hanyalah satu debu atom dari alam wujud.”.

(dipetik dari Pengantar Falsafah Islam)

Apa yang dimaksudkan oleh Ibnu Khaldun di atas ada kebenarannya. Secara rasionalnya, manusia walaupun telah mencapai kemajuan teknologi yang tinggi tidak dapat meramal tentang kejadian kemasuhan dunia iaitu hari kiamat. Sebaliknya berdasarkan Al-Quran diterangkan tanda-tanda awal dan juga tanda-tanda akhir yang menunjukkan kedatangan hari kiamat. Tanda-tanda ini jika difikir adalah rasional. Bahkan berpandukan tanda-tanda yang dinyatakan di dalam Al-Quran, para saintis boleh melakukan kajian dan beberapa teori telah menyatakan pada suatu masa kelak bumi akan mengalami pelanggaran dengan komet walaupun bukti masih samar.

Ibnu Sina di dalam kenyataan yang dirujuk daripada buku *Pengantar Falsafah Islam* turut mengakui akan kebatasan minda manusia iaitu :-

“Alat pancaindera mata daerah ialah pada lingkungan alam Al-Khalaq (alam ciptaan), (alam benda). Akal daerah fungsinya ialah dalam Al-'Am (alam urusan atau alam perintah). Adapun yang di luar daripada kedua-dua alam tersebut adalah terdinding daripada pancaindera dan akal. Zat yang maha tunggal tidak dapat diketahui sifat-sifatnya. Akal kita tidak sah dan layak menjadi hakim dan penentu ke atas perbuatan Allah, rahsia-rahsia dalam ciptaanya, tadbiran, qadha dan qadarnya”.

Maka minda dengan berpandukan Al-Quran dijadikan ‘alat’ untuk mengkaji, menyelidiki dan menyiasat segala yang dapat diperhatikan oleh pancaindera sahaja. Di dalam Islam apa yang ditekankan ialah minda berlandaskan “*Iqra' Bi'smi Rabbika – Bacalah dengan nama Tuhanmu*” menguasai ilmu Allah untuk kesejahteraan hidup.

2.4 Melanggar atau mencarik Adat

Perkara-perkara yang berlaku di luar batasan logik minda manusia boleh diistilahkan sebagai ‘melanggar adat’ atau perkara yang mencarik hukum adat manusia biasa. Lebih mudah disebut sebagai kejadian yang melanggar hukum adat tabii kejadian atau perlakuan manusia. Contohnya ialah adat mengatakan air panas melecurkan tetapi ia dikatakan mencarik adat sekiranya air panas yang disentuh tidak melecurkan tangan. Kejadian ‘melanggar adat’ berlaku terutama dikalangan para nabi dan Rasul seperti yang dijelaskan di dalam Al-Quran sebagai bukti tentang kerasulan dan kebenaran ajaran Allah. Antara kejadian dikalangan para nabi seperti Nabi Musa a.s. boleh membelah laut menggunakan tongkat, Nabi Isa a.s. boleh menghidupkan burung-burung yang diperbuat daripada tanah liat dan Nabi Muhamad s.a.w. boleh membelah bulan kepada dua. Kejadian-kejadian ini dikatakan sebagai ‘mukjizat’. Ditekankan bahawa mukjizat bukan sihir tetapi pertolongan Allah kepada para rasulNya sebagai bukti kebenaran yang dibawa oleh para rasulNya kepada umat manusia di bumi. Di dalam Surah al-Hadid, ayat 25 yang bermaksud seperti berikut :-

“Sesungguhnya Kami telah mengutus rasul-rasul Kami dengan membawa bukti-bukti yang nyata dan telah Kami turunkan bersama mereka Al-Kitab....”

(Surah al-Hadid, 57: 25)

Bagi para wali pula, kejadian luar biasa yang berlaku dikatakan sebagai ‘keramat’. Pada orang-orang alim, mukmin dan solehin juga ada berlaku kejadian ini dan ia dinamakan hikmat atau pertolongan Allah. Banyak ayat-ayat di dalam Al-Quran yang menyatakan pertolongan yang diberikan Allah kepada orang yang mukmin seperti di dalam ayat 40, Surah Al-Haj yang bermaksud seperti berikut :-

“Dan demi akan Allah menolong sesiapa yang menolong Nya (menegakkan dan mempertahankan agamanya). Demi sesungguhnya Allah Maha Kuat lagi Maha Perkasa.”

(Surah Al-Haj, ayat 40)

Harus ditekankan pertolongan hanya daripada Allah Maha Esa. Seandainya seorang itu memohon pertolongan selain daripada Allah, maka dia telah melakukan syirik iaitu menduakan atau mempersekuatkan Allah. Balasan orang yang mensyirikkan Allah adalah Neraka Jahanam.

"Sesungguhnya Allah tidak mengampuni dosa mempersekuatkan (sesuatu) dengan Dia, dan dia mengampuni dosa yang selain syirik bagi siapa yang dikehendaki-Nya. Barangsiapa yang mempersekuatkan (sesuatu) dengan Allah, maka sesungguhnya ia telah tersesat sejauh-jauhnya."

(Surah An-Nissa', ayat 116)

"Mereka itu tempatnya Jahannam dan mereka tidak memperoleh tempat lari dari padanya."

(Surah An-Nissa', ayat 121)

Terjemahan : *"Dan dia tidak (pula patut) menyuruh kamu menjadikan malaikat dan para nabi sebagai tuhan-tuhan patutkah dia menyuruh kamu dengan kekufuran sesudah kamu dengan (menjadi orang) Islam?"*

(Surah Ali 'Imran, ayat 80)

Bahkan bagi orang kafir, orang yang melakukan maksiat dan kezaliman juga berlaku kejadian luar biasa seperti berjalan di atas bara api. Kejadian ini dipanggil 'istidrat' iaitu lagi Allah izinkan perbuatannya, maka semakin jauhlah lagi mereka dari Allah. Bagi golongan ini, kejadian luar biasa ini dikatakan sihir yang diharamkan ke atas umat Islam untuk mengamalkannya walaupun dengan niat yang baik untuk menolong orang yang menghadapi masalah. Mengamalkan sihir adalah salah satu dosa besar kepada umat Islam dan tempat balasan bagi orang yang mengamalkannya ialah neraka jahanam.

Kejadian-kejadian 'melanggar adat' ini bukan dihasilkan oleh manusia atau kekuatan minda manusia sepenuhnya. Ditekankan bahawa minda manusia tidak mampu menghasilkan sesuatu seperti kejadian-kejadian 'melanggar adat' umpamanya mampu menahan kepanasan air mendidih. Walaubagaimanapun jika Allah mengkehendakinya, maka kejadian itu akan berlaku ke atas sesiapapun tidak kira seseorang itu beriman atau tidak. Namun harus diingatkan bahawa hanya Allah sahaja yang berkuasa kerana Allah Maha Kuasa. Ketidakjelasan umat Islam dalam hal ini mungkin mengakibatkan kerosakan akidah atau menyebabkan syirik.

2.5 Alam Ghaib atau Metafizik

Di dalam Islam, selain terdapat alam nyata iaitu alam dimana mampu dicapai oleh pancaindera manusia, wujud juga alam lain di mana pancaindera manusia tidak mampu mengesan atau merasa kewujudannya walaupun minda manusia. Alam yang dimaksudkan ialah alam ghaib atau dipanggil alam metafizik dimana ianya wujud di luar batasan kemampuan pancaindera manusia. Perkara-perkara di alam ini tidak tercapai oleh minda manusia untuk dijelajahi atau diterokai. Minda manusia tidak mampu untuk mencapai ke tahap ini kerana ianya adalah di luar batasan minda. Di dalam Rukun Iman telah menerangkan bahawa

umat Islam harus mempercayai akan kewujudan alam ghaib seperti malaikat dan hari kiamat. Rukun Iman adalah seperti berikut :-

- ❖ Percaya kepada Allah,
- ❖ Percaya kepada Rasul-rasul Nya,
- ❖ Percaya kepada kitab Nya
- ❖ Percaya kepada Malaikat,
- ❖ Percaya kepada Hari Kiamat,
- ❖ Percaya kepada Qada dan Qadar

Menurut Mohd Sulaiman (1982), alam ghaib atau metafizik ini merangkumi tiga aspek terpenting iaitu aqidah, akhlak dan syariat yang tersimpul di dalam Al-Quran sebagai Al-Din.

Dari segi bahasa, ghaib bermaksud sesuatu yang tidak nampak oleh pancaindera manusia atau sesuatu yang tersembunyi dan tidak dapat dilihat. Maka alam ghaib boleh didefinisikan sebagai suatu persekitaran atau suasana dimana pancaindera manusia tidak dapat melihat atau merasa kehadirannya walaupun dengan bantuan teknologi canggih kerana keterbatasan yang ada pada minda manusia. Apakah yang terkandung di dalam alam ghaib ini? Persoalan yang masih lagi tidak terjawab oleh para saintis dan penyelidik. Di dalam Al-Quran antara yang wujud di dalam alam ghaib ini merangkumi para malaikat, roh, syaitan dan iblis, neraka dan syurga, para jin dan hari pengadilan iaitu hari kiamat. Walaupun begitu, minda manusia tidak mampu untuk mencapai alam ghaib atau mengetahui dengan jelas tentang keadaan alam ghaib tanpa bantuan kecuali Allah Maha Mengetahui seperti yang dijelaskan di dalam Surah An-Naml, ayat 65 dan Surah Al-Israa', ayat 85 yang bermaksud seperti berikut :-

"Katakanlah : Tidak ada seorangpun di langit dan di bumi yang mengetahui perkara yang ghaib, kecuali Allah"

(Surah An-Naml, 27: 65)

"Dan mereka bertanya kepadamu tentang hakikat roh, jawablah : Roh itu termasuk urusan Tuhanmu dan kamu tidak dikurniakan ilmu pengetahuan melainkan hanya sedikit sahaja "

(Surah Al-Israa' , 17: 85)

Dua potongan ayat Al-Quran di atas sudah cukup menunjukkan betapa terbatasnya kemampuan minda manusia. Walaupun telah banyak penyelidikan terutama di Barat tentang kehidupan selepas kematian dengan bantuan teknologi tercanggih dan terkini, namun sehingga kini masih gagal menemui satu bukti atau teori yang jelas tentang kematian atau kehidupan selepas kematian. Ayat 85, Surah Al-Israa' dengan jelas menerangkan bahawa minda manusia tidak mampu menjangkau ke alam ghaib kerana ilmu yang dimiliki amat sedikit